

Zakon o ličnoj karti državljana BiH

Poglavlje I - OPŠTE ODREDBE

Clan 1.

Ovim zakonom se uređuje licna karta državljana Bosne i Hercegovine (u daljem tekstu: BiH). Svrha ovog zakona je uspostavljanje identifikacije gradana BiH i izdavanje licnih karata svakom državljaninu. Sve odredbe ovog zakona odnose se jednako na sve državljane BiH (u daljem tekstu: državljani), osim ako nije drugačije predviđeno u posebnim odredbama u poglavlju VIII ovog zakona. Licna karta je jedinstvena za sve državljane i važi na cijeloj teritoriji BiH.

Clan 2.

Licna karta je javna isprava kojom se dokazuje identitet, činjenica mjesta i datuma rođenja, prebivališta odnosno boravišta za raseljeno lice i državljanstva BiH. Državljanin BiH mogu koristiti licnu kartu za prelazak državne granice u određenim okolnostima i pod uslovima utvrđenim bilateralnim sporazumima između BiH i druge države.

Clan 3.

Državljanin stariji od 18 godina sa prebivalištem u BiH dužan je da ima licnu kartu izdatu u mjestu prebivališta. Raseljeno lice sa boravištem u BiH (u daljem tekstu: raseljeno lice) dužno je da ima licnu kartu izdatu u mjestu boravišta. Lice koje je izgubilo državljanstvo BiH ili koje više nema prebivalište u BiH mora bez odlaganja vratiti licnu kartu nadležnom organu. Državljanin može imati samo jednu licnu kartu i nije dužan da je da na uvid ako to nije predviđeno zakonom.

Državljanin ne smije ustupiti svoju licnu kartu drugom licu niti smije koristiti kao svoju licnu kartu drugog lica. Državljanin ne može koristiti licnu kartu drugog lica u svrhu pribavljanja bilo kakve koristi ili prava.

Clan 4.

Prikupljanje informacija na osnovu ovog zakona obavlja se u skladu sa BiH Zakonom o zaštiti licnih podataka i BiH Zakonom o centralnoj evidenciji i razmjeni podataka.

Clan 5.

U smislu ovog zakona:

1. Državljaninom BiH smatra se lice koje je steklo BiH državljanstvo u skladu sa odgovarajućim zakonskim aktima;
2. Izbjegličicom iz BiH smatra se lice kojem je priznat status izbjeglice prema odgovarajućim zakonskim aktima;
3. Raseljenim licem u BiH smatra se lice kojem je dodijeljen status raseljenog lica ili slican status u skladu sa odgovarajućim zakonskim aktima, odnosno lice koje je podnijelo zahtjev za dodjelu tog statusa;
4. Dokaz o identitetu pruža se bilo kojom ispravom koja sadrži ime i datum rođenja lica i koja je, osim ako nije drugačije predviđeno odgovarajućim zakonom, izdata:
 - a) u periodu od 6. aprila 1991. god. do stupanja na snagu ovog zakona, na propisanom obrascu i na osnovu tada važećih propisa, od strane nadležnih organa, organizacija ili drugih pravnih lica kojima je povjereno vršenje javnih ovlaštenja u Bosni i Hercegovini, ili;
 - b) izdatu prije 6. aprila 1992. god. od strane nadležnih organa bivše Socijalističke Federativne Republike Jugoslavije, ili nadležnih organa bivših socijalističkih republika i autonomnih pokrajina.
5. Dokaz o državljanstvu BiH pruža se ispravom ili drugim sredstvom priznatim kao dokaz o državljanstvu BiH u odgovarajućim zakonskim aktima;
6. Pod prebivalištem smatra se opština ili distrikt u kojem se pojedinac nastani s namjerom da tamo stalno živi;

7. Pod prebivalištem prije sukoba smatra se prebivalište državljanina, utvrđeno ranije važećim zakonima, koje je raseljeno lice ili izbjeglica napustila nakon 30. aprila 1991. godine, bez obzira da li se to lice ojavilo ili je bilo objavljeno iz tog mjesta;
8. Povratnikom se smatra BiH izbjeglica iz inostranstva ili raseljeno lice koje se već vratilo ili se vraća u svoje prebivalište prije sukoba. Takvo lice će se smatrati povratnikom dok ne dobije licnu kartu od organa u svom prebivalištu prije sukoba. Da bi se smatralo povratnikom lice se ne mora vratiti na svoju adresu stanovanja prije sukoba;
9. Pod boravištem smatra se opština ili distrikt u kojem se građanin nastani s namjerom da tamo privremeno boravi;
10. Boravištem raseljenog lica smatra se opština ili distrikt u kojem se raseljeno lice nastani s namjerom da tamo privremeno boravi.

Poglavlje II - OBRAZAC LICNE KARTE

Član 6.

Od državljanina koji podnosi zahtjev za izdavanje licne karte prikupljaju se slijedeći podaci koji se unose u licnu kartu:

1. ime (imena);
2. prezime;
3. datum rođenja;
4. mjesto rođenja;
5. opštinu prebivališta ili boravišta za raseljeno lice;
6. pol;
7. jedinstveni matični broj (JMB);
8. fotografiju;
9. potpis;
10. državljanstvo BiH.

Na licnoj karti se također nalaze serijski broj isprave, datum izdavanja, rok važenja, podaci koje je moguće očitati kompjuterski te organ koji je izdao licnu kartu. Državljanin mora navesti svoj poštanski broj i adresu. Međutim ova informacija se ne pojavljuje na licnoj karti. Naslov na licnoj karti piše se na bosanskom, hrvatskom, srpskom, francuskom i engleskom jeziku. Tekst na bosanskom, hrvatskom i srpskom jeziku piše se latinicnim i cirilicnim pismom, a pojedinačni podaci koje u obrazac licne karte unosi nadležni organ upisuju se samo latinicnim pismom. Od lica koja podnose zahtjev za izdavanje licne karte uzimaju se otisci prstiju, a podaci o otiscima prstiju unose se na licnu kartu u formatu koji se može očitati kompjuterski u svrhu pomoći pri utvrđivanju identiteta nosioca licne karte. Ministarstvo civilnih poslova i komunikacija donosi podzakonske akte da bi se obezbjedila odgovarajuća zaštita tih podataka, u skladu sa Zakonom o zaštiti ličnih podataka BiH i Zakonom o centralnoj evidenciji i razmjeni podataka BiH. Poglavlje III - IZDAVANJE LICNE KARTE

Član 7.

Izdavanje, poništavanje i zamjenu ličnih karata u okviru svoje nadležnosti vrši se u Federaciji BiH kod policijske uprave pri kantonalnom ministarstvu unutrašnjih poslova, u Republici Srpskoj kod stanice javne bezbjednosti pri Ministarstvu unutrašnjih poslova RS, u Brčko Distriktu Bosne i Hercegovine, kod nadležnog organa, koji funkcionalno djeluje kao državna institucija. Licnu kartu izdaje nadležni organ prema prebivalištu državljanina, izuzev ličnih karata koje se izdaju raseljenim licima u boravištu raseljenog lica. Nadležni organi entiteta postupaju kao drugostepeni organi u žalbenom postupku za odluke nadležnih organa za izdavanje, poništavanje i zamjenu ličnih karata. Stranka nezadovoljna odlukom drugostepenog organa može uložiti žalbu Ministarstvu civilnih poslova i komunikacija BiH (u daljem tekstu:

MCPK).

Clan 8.

Licna karta se izdaje državljaninu koji je podnio zahtjev za izdavanje licne karte ili u cije ime je zahtjev podnio njegov propisno ovlašteni zakonski zastupnik na licni zahtjev ili na zahtjev njegovog zakonskog zastupnika. Licna karta se može izdati i državljaninu starijem od 15, a mladem od 18 godina koji ima prebivalište u BiH na licni zahtjev ili na zahtjev njegovog roditelja ili drugog propisno ovlaštenog zakonskog zastupnika. Licnu kartu državljanin mora da preuzme licno.

Clan 9.

Ako državljaninu nije ranije izdata licna karta, dužan je da, podnese zahtjev za izdavanje licne karte u roku od 60 dana nakon što navršši 18 godina života ili 60 dana nakon što se stalno nastani u BiH, ako je navršio 18 godina života. Državljanin koji prvi put podnese zahtjev za izdavanje licne karte, uz zahtjev za izdavanje licne karte podnosi i dokaz o državljanstvu BiH i, ako se to traži, dvije fotografije odgovarajuće velicine koje vjerno prikazuju lice podnosioca zahtjeva. U svim drugim slučajevima i osim ako nije drugačije uređeno ovim zakonom, uz zahtjev za izdavanje licne karte državljanin podnosi dokaze o identitetu i državljanstvu BiH i, ako se to traži, dvije fotografije odgovarajuće velicine koje vjerno prikazuju lice podnosioca zahtjeva.

Clan 10.

Prilikom svakog podnošenja zahtjeva za izdavanje licne karte prema ovom zakonu, državljanin u zahtjevu mora navesti tačne i istinite podatke.

Clan 11.

Nadležni organ je dužan da najkasnije u roku od 15 dana nakon podnošenja zahtjeva za izdavanje licne karte, izda licnu kartu podnosiocu zahtjeva ako utvrdi da podnosilac ima pravo na istu. Nadležni organ će podnosiocu zahtjeva odmah izdati potvrdu o prijemu zahtjeva za izdavanje licne karte. Potvrda o prijemu zahtjeva služi kao dokaz da je državljanin podnio zahtjev za izdavanje licne karte.

Clan 12.

Za izdavanje licne karte ne placa se taksa. Poglavlje IV - ZAMJENA LICNE KARTE

Clan 13.

Licna karta se mora zamijeniti: 1. ako je istekao rok njenog važenja; 2. u slučaju promjene prebivališta (ili promjene boravišta kod raseljenih lica); 3. ako je došlo do promjene podataka koji su o imaoocu licne karte navedeni u licnoj karti; 4. ako je podatak u licnoj karti netacan ili pogrešno upisan; 5. ako je licna karta oštećena ili iz drugih razloga podaci nisu citljivi u tolikoj mjeri da licna karta ne može služiti svojoj namjeni; 6. kada je izgled imaooca licne karte toliko izmijenjen da više ne odgovara fotografiji na licnoj karti.

Clan 14.

Državljanin koji je u skladu sa prethodnim članom dužan da zamijeni licnu kartu podnosi nadležnim organima zahtjev za zamjenu licne karte, a uz zahtjev za zamjenu licne karte, ako se to traži, prilaže dvije fotografije odgovarajuće velicine koje vjerno prikazuju lice podnosioca zahtjeva. Državljanin dokazuje svoj identitet i tačnost podataka koji se upisuju u njegovu licnu kartu na osnovu ranije izdate licne karte, ili, ako takve licne karte nema, dokazom o identitetu i dokazom o državljanstvu BiH, ukoliko na drugom mjestu u ovom zakonu nije drugačije predviđeno.

Clan 15.

U okolnostima predviđenim u članu 13. tačka 1. ovog zakona, imalac licne karte dužan je da podnese zahtjev za zamjenu licne karte najkasnije do 15 dana prije datuma isteka važnosti sadašnje

licne karte. U okolnostima predviđenim u članu 13. tac. 2. i 3. ovog zakona, imalac licne karte dužan je da podnese zahtjev za zamjenu licne karte u roku od 60 dana od nastanka razloga za njenu zamjenu. Zamjena licne karte raseljenog lica ili povratnika pod tackom 2. uređuje se u poglavlju VIII ovog zakona. U okolnostima predviđenim u članu 13. tac. 4. ovog zakona, imalac licne karte dužan je da podnese zahtjev za zamjenu licne karte u roku od 60 dana od saznanja da je podatak u licnoj karti netacan ili pogrešno upisan. Ako nadležni organ utvrdi da je potrebno zamijeniti licnu kartu iz razloga predviđenih u članu 13. tac. 5. i 6., odredice rok u kojem je imalac licne karte dužan da podnese zahtjev za zamjenu licne karte. Ovaj rok ne može biti kraci od 15 dana od dana kada je nadležni organ donio rješenje o zamjeni licne karte. Ako imalac licne karte ne podnese zahtjev za zamjenu licne karte u roku predviđenom u ovom članu, sadašnja licna kartaprestaje da važi, izuzimajući član 15. stav 1. Ako imalac licne karte ne podnese zahtjev za zamjenu licne karte u skladu sa članom 15. stav 1., licna karta prestaje da važi od datuma isteka.

Član 16.

Nadležni organ će podnosiocu zahtjeva odmah izdati potvrdu o prijemu zahtjeva za zamjenu licne karte. Potvrda o prijemu zahtjeva služi kao dokaz da je lice podnijelo zahtjev za zamjenu licne karte. Nadležni organ je dužan da zamijeni licnu kartu odmah ili najkasnije u roku od 15 dana nakon podnošenja zahtjeva za zamjenu licne karte, ako utvrdi da podnosilac zahtjeva ima pravo na takvu zamjenu licne karte. Zamijenjena licna karta se poništava i vraća podnosiocu zahtjeva, ako on to zatraži.

Poglavlje V - ROK VAŽENJA LICNE KARTE

Član 17.

Državljaninu starijem od 18 godina izdaje se licna karta sa rokom važenja od deset godina. Državljaninu starijem od 15, a mladem od 18 godina izdaje se licna karta sa rokom važenja od dvije godine. Državljaninu starijem od 60 godina izdaje se licna karta sa rokom važenja - trajno.

Član 18.

Ako, iz razloga utvrđenih u Zakonu o putnim ispravama BiH, nadležni sud ili organ koji je nadležan da uređuje pitanje putnih isprava prema tom zakonu zabranjuje izdavanje putnih isprava državljaninu, sud odnosno organ upućuje odgovarajući nadležni organ da zabrani licu korištenje licne karte za prelazak državne granice. Nadležni organ donosi rješenje o zabrani te u skladu s tim i o tom rješenju obavještava sud ili organ koji je zahtijevao donošenje zabrane. Ova zabrana se unosi u licnu kartu na način koji propisuje MCPK.

Član 19.

Nadležni sud ili organ iz stava 1. prethodnog člana, bez odlaganja obavještavaju nadležni organ o prestanku postojanja razloga za zabranu korištenja licne karte za prelazak državne granice. Po ispunjenju uslova utvrđenih u prethodnom stavu nadležni organ poništava zabranu korištenja licne karte za prelazak državne granice.

Poglavlje VI - GUBITAK LICNE KARTE

Član 20.

Državljanin koji je izgubio licnu kartu ili mu je licna karta ukradena, uništena ili je na bilo koji drugi način ostao bez nje, dužan je da tu činjenicu bez odlaganja licno prijavi najbližoj policijskoj stanici ili nadležnom organu. Policijska stanica je dužna da o tome odmah obavijesti nadležni organ. Državljanin koji je prema ovom zakonu dužan posjedovati licnu kartu, a koji je izgubio licnu kartu tokom boravka u

inostranstvu, dužan je obavijestiti najbliže Kancelarije diplomatsko-konzularnih predstavništava BiH u inostranstvu (u daljem tekstu: DKP) i podnijeti zahtjev za novu licnu kartu. DKP obavještava MCPK o gubitku, a u skladu s tim, MCPK o istom obavještava nadležni organ koji je licu izdao licnu kartu. Nadležni organ tom licu izdaje novu licnu kartu putem MCPK i DKP-a. U okolnostima iz stava 1. ovog clana, nadležni organ izdaje rješenje o poništenju licne karte.

Clan 21.

U slucaju da državljanin, u okolnostima navedenim u clanu 20. stav 1. ovog zakona više ne posjeduje licnu kartu, dužan je da u roku od 30 dana od dana prijavljivanja slucaja policiji, podnese zahtjev za izdavanje nove licne karte. Uz zahtjev se prilaže izvještaj iz policije, dokaz o identitetu, dokaz o državljanstvu

BiH, i ako se to traži, dvije fotografije koje vjerno prikazuju lice podnosioca zahtjeva. Ako državljanin kome je na osnovu ovog clana izdata nova licna karta, naknadno dode u posjed ranije licne karte, dužan je da tu licnu kartu odmah preda najbližem nadležnom organu. Nadležni organ izdaje licnu kartu podnosiocu zahtjeva najkasnije u roku od 15 dana od dana podnošenja zahtjeva za

izdavanje licne karte, ako se ustanovi da podnosilac ima pravo na licnu kartu. Nadležni organ odmah izdaje podnosiocu zahtjeva potvrdu o prijemu zahtjeva za izdavanje licne karte. Potvrda o prijemu zahtjeva služi kao dokaz da je lice podnijelo zahtjev za izdavanje licne karte.

Poglavlje VII - EVIDENCIJA LICNIH KARATA

Clan 22.

U skladu sa Zakonom o centralnoj evidenciji i razmjeni podataka, MCPK vodi i održava centralnu evidenciju putem elektronske obrade podataka (u daljem tekstu: centralna evidencija) o izdatim, zamijenjenim i poništenim licnim kartama.

Entitetska ministarstva unutrašnjih poslova mogu održavati elektronsku evidenciju o licnim kartama koje su izdate, zamjenjene ili poništene na području entiteta.

Nadležni organ vodi i održava mjesnu evidenciju putem elektronske obrade podataka (u daljem tekstu: mjesna evidencija) o licnim kartama koje su u njegovoj jurisdikciji izdate, zamijenjene i poništene.

Clan 23.

Centralna, entitetske i mjesne evidencije sadrže sljedece licne podatke:

- a) podaci sadržani u clanu 6. st. 1. do 3.
- b) sve pojedinosti o nestanku licne karte kako je predvideno u glavi poglavlju VI ovog zakona
- c) napomena o zabrani korištenja licne karte za prelazak državne granice kako je predvideno u clanu 18. ovog zakona.

Clan 24.

Nadležni organ je dužan da redovno dostavlja MCPK podatke iz svoje mjesne evidencije. MCPK može obezbijediti podatke iz centralne evidencije nadležnom organu kako bi isti izvršavao svoje dužnosti propisane Zakonom.

Clan 25.

Organi ovlašteni za vodenje i održavanje centralne, entitetskih i mjesnih evidencija u clanu 22. mogu prikupljati, obradivati, pohranjivati i koristiti licne podatke iz evidencije jedino u svrhu provodenja ovog zakona, ako zakonom nije drugacije propisano. Podaci iz clana 23. ovog zakona brišu se pri izdavanju nove licne karte ili pet godina nakon isteka roka važenja licne karte. Izuzetno od stava 2. ovog clana,

napomena o zabrani korištenja licne karte za prelazak državne granice kako je predviđeno u članu 18. briše se nakon godinu dana od prestanka postojanja razloga za upisivanje te informacije.

Član 26.

Državljanin BiH ima pravo da bude obaviješten o tome da li se njegovi licni podaci nalaze u centralnoj, entitetskoj i mjesnoj evidenciji i ima pravo da mu se ti podaci saopšte u jasnoj formi. Ako se utvrdi da su takvi podaci obrađeni na nezakonit ili nepravilan način, državljaniin o cijim se podacima radi ima, pravo na odgovarajuću ispravku ili brisanje tih podataka. Takva ispravka ili brisanje podatka je za datog državljanina besplatna. Državljanin o cijim se podacima radi ima pravo da pokrene upravni spor u slučaju da navedeni organi ne postupe u skladu sa odredbama ovog člana.

Član 27.

MCPK i nadležni organi obavezni su preduzeti dovoljne sigurnosne mjere da bi se osigurala zaštita svih podataka iz centralne i mjesnih evidencija i svih podataka prenesenih na druge ovlaštene organe, u skladu sa Zakonom o centralnoj evidenciji i razmjeni podataka.

Poglavlje VIII - POSEBNE ODREDBE

Član 28.

Lica na koja se odnose odredbe iz ove glave su raseljena lica i povratnici.

Član 29.

Raseljenom licu se izdaje licna karta prema boravištu. Raseljeno lice podnosi zahtjev za izdavanje licne karte u roku od 60 dana od dana privremenog nastanjenja. Licna karta izdata u boravištu raseljenog lica važi dvije godine.

Član 30.

Prilikom svakog podnošenja zahtjeva za izdavanje licne karte po odredbama ovog poglavlja, raseljeno lice podnosi zahtjev za izdavanje licne karte i uz njega prilaže, ako se to traži, dokaz o identitetu i dvije fotografije odgovarajuće veličine, kojejvorno prikazuju lice podnosioca zahtjeva.

Član 31.

Povratnik u mjesto prebivališta prije sukoba ima pravo zamijeniti licnu kartu koja je ranije izdata, na osnovu ovog zakona, u mjestu boravišta povratnika, kako je utvrđeno u ovom poglavlju, licnom kartom koju izdaje nadležni organ u mjestu prebivališta prije sukoba.

Član 32.

Povratnik koji ima pravo da zamijeni licnu kartu kako je utvrđeno u ovoj glavi, podnosi zahtjev za zamjenu licne karte u roku od 60 dana od dana povratka u svoje mjesto prebivališta prije sukoba. Prilikom svakog podnošenja zahtjeva za zamjenu licne karte po odredbama ovog poglavlja, povratnik podnosi zahtjev za zamjenu licne karte i uz njega prilaže, ako se to traži, dokaz o identitetu i dvije fotografije odgovarajuće veličine koje vjernoprikazuju lice podnosioca zahtjeva. Ako ne posjeduje licnu kartu izdatu u prijašnjem mjestu prebivališta, povratnik podnosi zahtjev za izdavanje licne karte u skladu sa poglavljem III ovog zakona.

Član 33.

Ako nijedan dokumentovani ili drugi dokaz, odnosno podatak vezan za podnošenje zahtjeva za izdavanje ili zamjenu licne karte, prema ovoj glavi nije na raspolaganju, nije dostupan ili se ne

može pribaviti u razumnom roku, nadležni organ će dozvoliti podnosiocu da traženi dokaz ili informaciju pruži na drugi način, uključujući i izjave podnosioca zahtjeva ili izjave koje daju druga lica u korist podnosioca zahtjeva.

Clan 34.

Raseljeno lice koje dobrovoljno odluci da se stalno nastani u mjestu u kojem nije imalo prebivalište prije sukoba, ima pravo da zamijeni licnu kartu ranije izdatu prema ovom zakonu, kako je utvrđeno u ovoj glavi, licnom kartom koju izdaje nadležni organ u njegovom novom prebivalištu.

Poglavlje IX - KAZNENE ODREDBE

Clan 35.

Postupak iz ove glave vodi se u skladu sa relevantnim zakonima o prekršajima.

Clan 36.

Novčanom kaznom u iznosu od 200 KM do 1.000 KM kaznice se odgovorno lice u nadležnom organu za prekršaj ako:

1. odmah ili najkasnije u roku od 15 dana od dana podnošenja zahtjeva za izdavanje licne karte ne izda licnu kartu podnosiocu zahtjeva ako je utvrđeno da ima pravo na licnu kartu, uključujući raseljena lica koja prijavljuju boravište i povratnike u mjesta njihovog prebivališta prije sukoba;
2. ne izda podnosiocu zahtjeva potvrdu o prijemu zahtjeva u slučaju kada nije odmah izdao licnu kartu podnosiocu zahtjeva;
3. odmah ili najkasnije u roku od 15 dana od dana podnošenja zahtjeva za zamjenu licne karte ne zamijeni licnu kartu ako utvrdi da podnosilac zahtjeva ima pravo na zamjenu;
4. prikuplja, obrađuje, čuva, koristi ili prenosi podatke iz svoje evidencije protivno čl. 25. i 26. ovog zakona;
5. odmah ili najkasnije u roku od 15 dana od dana podnošenja zahtjeva ne obezbijedi licnu kartu izdatu u mjestu boravišta raseljenog lica;
6. odmah ili najkasnije u roku od 15 dana od dana podnošenja zahtjeva ne izda licnu kartu povratniku u mjestu njegovog prebivališta prije konflikta;
7. ne dozvoli da se informacija u svrhu zahtjeva za izdavanje licne karte pruži drugim sredstvima, uključujući i izjave koje daje podnosilac ili druga lica u korist podnosioca u skladu sa odredbama poglavlja VIII ovog zakona.

Clan 37.

Novčanom kaznom od 10 KM do 100 KM kaznice se za prekršaj državljanin ako:

1. ima više od jedne licne karte izdate na osnovu ovog zakona;
2. ne podnese zahtjev za izdavanje licne karte kada je obavezan da tako postupi prema poglavlju III;
3. svjesno dostavi netacne i/ili neistinite podatke prilikom podnošenja zahtjeva za izdavanje licne karte;
4. odmah ne prijavi nestanak licne karte;
5. ustupi svoju licnu kartu drugom licu ili koristi tuđu licnu kartu kao svoju;
6. koristi licnu kartu drugog lica u svrhu pribavljanja bilo kakve koristi ili prava.

Poglavlje X - PRELAZNE I ZAVRŠNE ODREDBE

Clan 38.

Kada se ispune svi neophodni uslovi za otpocinjavanje procesa za izdavanje licne karte, ministar Ministarstva civilnih poslova komunikacija u tu svrhu donosi odgovarajući akt.

Clan 39.

Ako je licna karta pribavljena pomocu prevare, lažnim informacijama ili prikrivanjem bilo koje bitne cinjenice koja se odnosi na podnosioca zahtjeva, takva licna karta se oduzima i poništava.

Clan 40.

Nadzor nad provođenjem ovog zakona vrši MCPK tako što:

- a) kontroliše zakonitost upravnih akata i radnji nadležnih organa;
- b) predlaže, odnosno pokrece postupak ocjene zakonitosti upravnih akata nadležnih organa u skladu sa zakonom;
- c) nalaže nadležnom organu izvršenje ovim zakonom određenih obaveza;
- d) donosi uputstva i instrukcije radi jedinstvenog postupanja nadležnih organa.

U roku od 90 dana od dana objavljivanja ovog zakona u "Službenom glasniku BiH", MCPK donosi propise o:

- a) zajednickom obrascu zahtjeva za izdavanje licne karte i za zamjenu licne karte;
- b) pojedinostima vezanim za obrazac licne karte i podacima sadržanim u licnoj karti;
- c) pravilnik o cijeni licne karte;
- d) pravilnik o nadzoru nad provođenjem ovog zakona;
- e) podzakonski akt o napomeni koja se upisuje u licnu kartu
kojom se navodi da je korištenje licne karte zabranjeno za prelazak državne granice;
- f) svim drugim pitanjima neophodnim za provođenje ovog zakona.

Clan 41.

Danom izdavanja rješenja MCPK-a iz clana 38. stava 1., prestaju da važe zakoni i propisi, kojima su se do tada regulisala pitanja vezana za licnu kartu državljana i koji su se primjenjivali u BiH.

Clan 42.

Ovaj zakon stupa na snagu 30 dana od dana objavljivanja u "Službenom glasniku BiH", a objavice se i u službenim glasilima entiteta i Brcko Distrikta Bosne i Hercegovine.